

脈

貫

二



脈

腎

二

脉貫卷三

桐溪王

賢世瞻著輯

太醫姪王

鵬飛九扶
鴻飛陸遵
全較

同學沈

緯德升

徐應階
蘊宏全

肺藏脉法

肺脉浮瀦而短肺合皮毛肺循皮毛而行持肺脉之法下指如三菽重輕輕按至皮毛而得者爲浮稍稍加力脉道不利爲瀦不及本位爲短此肺脉之平也

亦曰毛 肺部不見毛而見洪大此心火刑之也是
謂賊邪見弦急此肝木侮之也是爲微邪見沉細此
腎水乘之也是爲實邪見緩大此脾土救之也是爲
虛邪

秋肺司令西方金也萬物之所以收成也其氣來輕
虛以浮來急去散故曰浮反此者病氣來毛而中央
堅兩旁虛如循雞羽此爲太過病在外氣來毛而微
此爲不及病在中太過則令人逆氣而背痛愠愠然
不舒不及則令人喘呼吸少氣而咳上氣見血喘而



咯血肺中有聲秋以胃氣爲本秋胃微毛曰平毛
多胃少曰病但毛無胃曰死毛而有弦曰春病弦甚
曰今病肺大爲轉關爲諸逆氣之根也平則胃氣
平肺脈來厭厭聶聶如循榆莢病肺脈來不上不下
如循雞羽死肺脈來如物之浮如微風吹毛真肺脈
來大而虛如以毛羽中人膚色赤白不澤毛折乃死
肺至懸絕十二日死

經曰如風吹毛曰肺死又曰真肺脈至如以毛羽
中人膚皆狀其散亂無緒但毛而無胃氣又曰肺



絕三日死又曰丙日篤丁日死死于巳午時

凡浮而濇短皆肺也肺脉搏堅而長當病吐血面
而散病灌汗至今不復散發

心藏脉法

心脉浮大而散心合血脉脉循血脉而行持心脉之
法下指如六菽重畧畧按至血脉而得者爲浮畧加
力脉道粗大爲軟濇爲散此心脉之平也有力爲洪
亦曰鈞心部不見鈞而見沉細此腎水刑之也是
爲賊邪見毛濇此肺金侮之也是爲微邪見緩大此



脾土乘之也是爲實邪見弦急此肝木救之也是爲
虛邪

夏心司令南方火也萬物之所以盛長也其氣來盛
去衰故曰鈎反此者病氣來盛去亦盛此爲太過病
在外也氣來不盛去反盛此爲不及病在中太過則
令人身熱而膚痛爲浸淫不及則令人煩心上見咳
唾下爲氣泄
夏以胃氣爲本夏胃微鈎曰平鈎多
胃少曰病但鈎無胃曰死鈎而有石曰冬病石甚曰
今病



平心脉來累累如連珠如循琅玕病心脉來喘喘連
屬其中微曲死心脉來前曲後倨如操帶鉤真心脉
來至堅而持如循薏苡子累累然色赤不澤毛折乃
死心至懸絕九日死

經曰脉來前曲後倨如操帶鉤曰心死前曲者謂
輕取則堅強而不柔後倨者謂重取則牢實而不
動如持革帶之鉤全失冲和之氣但鉤無胃故曰
心死又曰如循薏苡子累累然狀其短實堅強真
藏脉也又曰心絕一日死又曰壬日篤癸日死死

于亥子時

凡洪大而浮皆鈞皆心也心脉搏堅而長當病舌
卷不能言栗而散消環而已心脉急病名心疝少
腹當有形也

脾藏脉法

脾脉緩而大脾合肌肉脉循肌肉而行持脉之法下
指如九菽重畧重按至肌肉如微風輕颭柳梢爲緩
次稍加力脉道敦重爲大此脾脉之平也亦曰栗而
弱脾脉不見栗弱而見弦急此肝木刑之也是爲

賊邪見沉細此腎水侮之也是爲微邪見毛濇此肺
金乘之也是爲實邪見洪大此心火救之也是爲虛
邪

脾爲孤藏以貫四旁盛于長夏其脉來如水之流此
爲太過病在外如鳥之喙此爲不足病在中太過則
令人四肢不舉不及則令人九竅不通名曰重強
長夏以胃氣爲本胃而微更弱曰平弱多胃少曰病
但代無胃曰死弱而有石曰冬病石甚曰今病
平脾脉來和柔相雜如雞踐地病脾脉來實而盈數

如雞舉足死脾脉來銳堅如鳥之喙如鳥之距如屋之漏如水之流如杯之覆真脾脉來弱而乍疎乍數色黃青不澤毛折乃死脾至懸絕四日死

舊訣曰雀喙連來四五喙歇歇而再至如鳥之喙

狀其硬也屋漏少刻一點落良久一至有如屋漏狀其不能相接若水流去而不返若杯覆止而不揚皆脾絕也經曰脾絕四日死又曰甲日篤乙日死死于寅卯時

凡與緩皆脾也脾脉搏堅而長色黃病少氣與而

散色不澤病足胗腫若水狀也胃脉搏堅而長色

赤病折髀奕而散病食痺實則脹虛則泄

肝藏脉法

肝脉弦而長肝合筋脉循筋脉而行持肝脉之法下
指如十二菽之重重按至筋而脉如切繩曰弦迢迢
端直而長此肝脉之平也肝部不見弦而見短濇
此肺金刑之也是爲賊邪見緩大此脾土侮之也是
爲微邪見洪大此心火乘之也是爲實邪見沉細此
腎水救之也是爲虛邪



春肝司令東方木也萬物之所以始生也其氣來奕
弱輕虛而滑端直以長故曰弦及此者病氣來實而
強此爲太過病在外氣來不實而微此爲不及病在
中太過則令人善怒忽忽眩冒而癲疾不及則令人
胸痛引背下則兩脇脹滿春以胃氣爲本胃而微
弦曰平弦多胃少曰病但弦無胃曰死弦而毛曰秋
病毛甚曰今病至中微弦曰肝病來急盛
平肝脈來奕弱迢迢如揭長竿末稍病肝脈來盈實
而滑如循長竿死肝脈來勁急如新張弓弦真肝脈

至中外急如循刀刃責責然如按琴瑟色青白不澤
毛折乃死肝至懸絕十八日死

經曰真肝脉至中外急如循刀刃又曰脉來急溢
勁如新張弓弦曰肝死又曰肝絕八日死又曰庚
日篤辛日死死于申酉時

凡弦皆肝也肝脉搏堅而長色不青當病墜若搏
因血在脇下令人喘逆其栗而散色澤當病溢飲
溢飲者渴暴多飲而易入肌皮腸胃外也

腎藏脉法



腎脉沉奐而滑腎合骨脉循骨而行持腎脉之法下
指極重按至骨而得曰沉無力爲奐流利而滑此腎
脉之平也亦曰石腎脉不見石而見緩大以長此
脾土刑之也是爲賊邪見洪大此心火侮之也是爲
微邪見弦長此肝木乘之也是爲實邪見短濇此肺
金救之也是爲虛邪

今錄

冬腎司令北方水也萬物之所以合藏也其氣來沉
以搏故曰營反此者病其來如彈石者此爲太過病
在外其去如數者此爲不及病在中太過則令人解

併脊脉痛少氣不欲言不及則令人心懸如病飢眇

中清

眇腰中也

脊中痛少腹滿小便變冬以胃氣爲本

胃而微石曰平石多胃少曰病但石無胃曰死石而

有鈞曰夏病鈞甚曰今病

平腎脉來喘喘累累如鈞按之而堅病腎脉來如引

葛按之益堅死腎脉來發如奪索辟辟如彈石真腎

脉來搏而絕如彈石辟辟然色黃黑不澤毛折乃死

腎至懸絕七日死

經曰脉來奪索辟辟如彈石曰腎死又曰腎絕四

日死又曰戊日篤已日死死于辰戌丑未時舊訣云彈石硬來尋卽散搭指散亂如解索是正謂此也

凡沉滑皆營皆石皆腎也腎脉搏堅而長色黃赤病折鬻與散病少血至冬不復